
SIARAN MEDIA
27 November 2025

ECoS Meninjau Persediaan Sabah Electricity Menjelang PRN Sabah 2025

KOTA KINABALU, 27 November 2025 – Suruhanjaya Tenaga Sabah (Energy Commission of Sabah, ECoS) bersama-sama Sabah Electricity (SE) telah menjalankan lawatan di Pusat Penjumlahan Undi di Dewan Sri Putatan, Dewan Kebudayaan Penampang, Dewan Hasil LHDN Kota Kinabalu dan Dewan MAKSAK di Likas.

Menurut Ketua Pegawai Eksekutif ECoS, Datuk Ir. Abdul Nasser Abdul Wahid, lawatan ini bertujuan untuk meninjau persediaan dan pelan kontingensi yang dibuat oleh SE bagi memastikan kelangsungan bekalan elektrik di pusat-pusat penjumlahan undi. SE akan menyediakan generator bergerak dan menempatkan pasukan teknikal di semua pusat penjumlahan undi di seluruh Negeri Sabah.

Sebagai tambahan, SE juga akan mengaktifkan Bilik Gerakan di semua daerah dan Ibu Pejabat. Pegawai-pegawai ECoS juga akan ditempatkan di Bilik Gerakan Ibu Pejabat Sabah Electricity bagi sama-sama memantau situasi bekalan elektrik sepanjang hari mengundi sehingga proses pengiraan undi selesai.

[tamat]

Mengenai ECoS

Suruhanjaya Tenaga Sabah (ECoS) adalah badan berkanun yang ditubuhkan oleh Kerajaan Negeri Sabah sejak 10 Januari 2023. Ia berfungsi sebagai pengawal selia untuk sektor tenaga dalam portfolio Ketua Menteri. Objektif utama ECoS adalah untuk memastikan tenaga yang selamat, mampan, mampu milik, dan mudah diakses untuk Negeri Sabah. ECoS memainkan peranan penting dalam membentuk landskap tenaga Sabah, menggalakkan amalan tenaga yang bertanggungjawab, dan melindungi kepentingan pengguna serta alam sekitar.